



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-249-5/26**
Datum: **05.08.2026. godine**

„Agencija za vodno područje rijeke Save“ Sarajevo rješavajući po zahtjevu pravnog lica „Klinički Centar Univerziteta u Sarajevu“ za donošenje rješenja o vodnoj dozvoli za ispuštanje otpadnih voda sa lokacije objekta kotlovnice izgrađene u sklopu KCUS-a, u ulici Bolnička 25, općina Centar, Sarajevo, na osnovu člana 109. stav (1) tačka 2. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine broj 2/98, 48/99 i 61/22), donosi

R J E Š E N J E **o vodnoj dozvoli**

1. Pravnom licu „Klinički Centar Univerziteta u Sarajevu“ daje se vodna dozvola za ispuštanje otpadnih voda sa lokacije kotlovnice, instalisane snage 32 MW, izgrađene na zemljištu označenom kao k.č. broj 34/1, 34/3, 35/1, 35/2, dio 2123/3 K.O. Sarajevo IV (novi premjer), što odgovara k.č. broj dio 54, 1717 K.O. Sarajevo mahala CXXXVI (stari premjer), u ulici Bolnička broj 25, općina Centar, Sarajevo.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Vodna dozvola se daje na osnovu činjeničnog stanja utvrđenog pregledom dostavljene projektne i druge dokumentacije, izvršenog uviđaja na lokaciji objekta i pod uslovima koje je vlasnik odnosno korisnik objekta dužan ispoštovati u roku važenja ove dozvole i to:
 - 3.1. Da se upotreba i korištenje predmetnog objekta vrši u skladu sa urađenom projektnom dokumentacijom koja je služila kao podloga za davanje ove vodne dozvole.
 - 3.2. Korisnik poslovnog objekta je obavezan da izgrađene objekte, a čija je svrha odvođenje i prečišćavanje onečišćenih voda redovno održava i koristi na način koji će obezbijediti njihovu potpunu ispravnost i funkcionalnost, kako bi se zadovoljio propisani kvalitet efluenta.
 - 3.3. Čišćenje, odvoz i konačno zbrinjavanje taloga iz odmuljne jame - opasnog otpada sa lokacije predmetne kotlovnice, može vršiti isključivo firma ovlaštena za tu vrstu djelatnosti, prema sklopljenom ugovoru.
 - 3.4. Sadržaj (mulj) iz postrojenja za prečišćavanje otpadnih voda i ostali otpad ne smije se odlagati na česticu „vodno dobro“, odnosno u vodotoke i na njegove obale.
 - 3.5. Da se u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
 - 3.6. U toku važenja ovog Rješenja, korisnik predmetnih objekata je obavezan poduzeti sve potrebne mjere kako bi kvalitet otpadnih voda, a prije ispuštanja u recipijent, zadovoljio granične vrijednosti definisane u prilogu 17. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj: 26/20 i 96/20).
 - 3.7. Korisnik objekta je dužan putem laboratorije ovlaštene od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati ovlaštene laboratorije i sadržini i načinu

izdavanja ovlaštenja („Službene novine Federacije BiH“ broj: 14/10, 14/3, 26/14, 15/17, 23/17 i 41/20), vršiti redovna ispitivanja kvaliteta otpadnih voda, uzimanjem uzorka efluenta iz kontrolnog okna, u skladu sa Uredbom o uslovima ispuštanja otpadnih voda u okoliš i sisteme javne kanalizacije.

4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
6. Ukoliko uslijed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog pogona obuhvaćenih ovom vodnom dozvolom, korisnik zaštitnih vodnih objekata nije odgovoran za nastale štete.
7. Prava stečena po ovoj vodnoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
8. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina, od dana pravosnažnosti ovog rješenja.
9. Ovo rješenje o vodnoj dozvoli može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. i 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice „Klinički Centar Univerziteta u Sarajevu“ obratilo se ovoj Agenciji sa zahtjevom za donošenje rješenja o vodnoj dozvoli za ispuštanje otpadnih voda sa lokacije kotlovnice instalisane snage 32 MW, izgrađene na zemljištu označenom kao k.č. broj 34/1, 34/3, 35/1, 35/2, dio 2123/3 K.O. Sarajevo IV (novi premjer), što odgovara k.č. broj dio 54, 1717 K.O. Sarajevo mahala CXXXVI (stari premjer)u sklopu KCUS-a, u ulici Bolnička broj 25, općina Centar, Sarajevo.

U provedenom postupku, uz zahtjev za donošenje rješenja o vodnoj dozvoli, dostavljena je i pregledana slijedeća dokumentacija:

- Aktuelni izvod iz sudskog registra, broj: 065-0-RegZ-25-013453 od 27.10.2025. godine izdat od strane Općinskog suda u Sarajevu – kopija;
- Uvjerenje o poreznoj registraciji od 09.10.2002. godine izdato od strane Porezne uprave-Kantonalni ured Sarajevo –kopija;
- Kopija Odluke o ovlaštenom licu za potpisivanje dokumentacije, broj: 01-04-4-35547 od 17.10.2025. godine- kopija;
- Kopija Rješenja o odobrenju za izvođenje radova na izgradnji tehnoekonomskog bloka u sklopu Kliničkog centra Koševo, donesenog od strane Opštinske komisije za prostorno uređenje, Opština Centar Sarajevo, broj: 07/C-ZZ/TS-360-39/89 dana 10.07.1989. godine;
- Kopija Rješenja o utvrđivanju da su izvedeni radovi na izgradnji Tehnoekonomskog bloka u sklopu Kliničkog Centa „Koševo“ izvršeni u skladu sa tehničkom dokumentacijom, na osnovu koje je izdato odobrenje za građenje;
- Hidrotehnički projekat – vanjske instalacije, urađen od strane SOUR UNIONINVEST – RO UNIONIZGRADNJA, Sarajevo, August 1986. godine;

- Dokaz o uplaćenju upravnoj pristojbi.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

Razmatrajući predmetni zahtjev i priloženu dokumentaciju utvrđeno je, da je priložena sva dokumentacija propisana odredbama člana 12. i 19. Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20 i 63/22).

U skladu sa članom 12. stav 5. i 6. Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20 i 63/22) dana 28.07.2026. godine izvršen je uviđaj na licu mjesta, o čemu je sačinjen Zapisnik broj: UP-1/21-3-40-249-4/26.

Na osnovu pregleda dostavljene dokumentacije i izvršenog uviđaja na predmetnoj lokaciji utvrđeno je slijedeće:

Kotlovnica izgrađena u sklopu KCUS-a je prizemna slobodnostojeća toplovodna, smještena u ulici Bolnička 25, općina Centar, Sarajevo, instalisane snage 32 MW. Lokacija na kojoj je smještena kotlovnica je snabdjevena komunalnom infrastrukturom, pa je i pomenuta kotlovnica priključena na tu infrastrukturu – vodovod, kanalizacija, gasna i elektroinstalacija.

Zauljene otpadne vode koje nastaju na predmetnoj lokaciji – skladištenje alternativnog goriva, nakon predtretmana na betonskom dvokomornom separatoru ulja i naftnih derivata ispuštaju se i priključuju na sistem javne kanalizacije.

Kao osnovni energent kotlovnica koristi prirodni gas kojim se snabdijeva preko prijemno-regulacione stanice. Za potrebe korištenja alternativnog energenta kotlovnica posjeduje jedan poluukopani čelični rezervoar za ekstra lako lož ulje, ukupnog kapaciteta 100 t. Iz rezervoara se ELU putem pumpnih agregata i sistema cjevovoda kružnog toka dovodi do kotlovskih gorionika.

U kotlovnici su smještena dva gasna kotla za grijanje vode koja se koristi za zagrijavanje objekata KCUS-a i dva parna kotla za zagrijavanje vode parom i ta voda se krosti za sanitarne potrebe, šest gasnih plamenika odgovarajućeg kapaciteta sa moduliраjućom regulacijom, komplet sa niskotlačnom gasnom armaturom i komandnim ormarom, elektronski regulacioni uređaji za kaskadno upravljanje kotlovima/plmenicima, kotlovske pump, pojedinačne sigurnosne grupe i membranske ekspanzione posude i ostala kotlovska oprema potrebna za normalno funkcionisanje.

Kotlovi su opremljeni sa automatskom regulacijom temperature polazne vode, mjernom, regulacionom i sigurnosnom opremom, toplotnom i zvučnom izolacijom, prelaznom i priključnom armaturom.

Tehnološki postupak odmuljivanja kotlova se obavlja automatski, korištenjem dvije „odmuljne jame“ – jedna za parne kotlove, a druga za vrelovodne kotlove, šahtove vezane za kanizacioni sistem. U principu se tehnološka otpadna voda kada joj je temperatura najniža (ujutro prije aktiviranja kotlova), ispušta u odmuljne jame. Snižavanje temperature i pH faktora se postiže automatski. Cilj odmuljivanja je ispuštanje i taloženje eventualnog mulja iz kotla. Kada se provjerom utvrdi da je temperatura u odmuljnoj jami između 19 i 23° C i pH faktor u vrijednosti između 6.5 i 9.5 otpadna voda se smije ispustiti u kanizacioni sistem.

Čišćenje kotlova provodi se jednom godišnje (remont kotlovnice, van grejne sezone) sa dimne (obavezno) i vodene strane (po potrebi). Čišćenje sa vodene strane nije obavezno ukoliko je tokom cijele sezone pH – faktor, koji se stalno prati, bio u dozvoljenim granicama.

Na osnovu pregleda projektne dokumentacije, utvrđenog činjeničnog stanja i uviđaja izvršenog na predmetnom lokalitetu, a u svrhu smanjenja negativnih uticaja predmetnog objekta i aktivnosti na stanje voda i prava na vode dodjeljena drugim korisnicima, podnosiocu zahtjeva su ovom vodnom dozvolom u tački 3. dispozitiva Rješenja, propisani uslovi kojih se dužan pridržavati pri korištenju objekta, u skladu sa Zakonom o vodama, Pravilnikom o sadržaju, obliku, uvjetima, načinu

izdavanja i čuvanja vodnih akata i Uredbom o uslovima ispuštanja otpadnih voda u okoliš i sisteme javne kanalizacije.

Na osnovu provedenog postupka konstatuje se da je podnosilac zahtjeva ispunio minimum uslova za izdavanje vodne dozvole za ispuštanje oborinskih onečišćenih voda i promet opasnih materija koje nakon upotrebe dospijevaju u vode sa predmetne lokacije, te je riješeno kao u dispozitivu ovog Rješenja.

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarifi federalnih upravnih pristojbi („Službene novine Federacije BiH“, broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka: Aida Bezdrob, dipl.ing.građ.

**Po ovlaštenju**
Rukovodilac sektora za izdavanje vodnih akata
Nihad Pezo, dipl.ing.građ.

PRILOG: Hidrotehnički projekat – vanjske instalacije, urađen od strane SOUR UNIONINVEST – RO UNIONIZGRADNJA, Sarajevo, August 1986. godine

Dostaviti:

- Klinički Centar Univerziteta u Sarajevu, Bolnička 25, 71000 Sarajevo (sa prilogom)
- AVP Sava, ISV-vodna knjiga,
- Sektor 50 - ovdje
- Sektor 40 – arhiva
- Oglasna tabla AVP Sava - Sarajevo